

四庫全書

集部

欽定四庫全書

西河集卷一百三十六

翰林院檢討毛奇齡撰

填詞 六

沁園春

即事  
有序

三月四日曹綠崑明府張宏軒州牧周譽凡孝廉趙  
愚公監郡朱服萬別乘羅木桓徐西崖文學招集羣  
公修禊于滄城之南園有女妓三人行酒即席朱別

乘作沁園春詞予依韻次其後

已度三朝忻逢四并重對春波看楊柳堤邊羽觴汎去  
薔薇洞口油壁來過北地賢賓江南名士人物加于晉  
永和况雜坐有美人相間齊畫雙蛾興來酒瀉銀河  
怡巖畔斜陽照綠蘿看環擁楸枰目縈琢石暗拋博具  
指印紋螺紅袖香生碧桃花放此際春光可奈何華燈  
起見樓頭纖月徐上林柯

前調

答王西園  
見贈之作

丁巳之春我來滄瀆喜遇西園念當日聞聲有如日下  
今朝寓會竟在雲間江薛才華度徐藻采所著佳文是  
偶言箋題外有吹蓬小令折竹新篇 桃花初漲平川  
又風起城頭撲柳綿自畫閣攤書談深燭下閒堂贈妓  
腸斷樽前兩次三番風晨雨夕是處相逢非偶然溝頭  
水問東西會合知在何年

前調

送葉天樂  
游吳門

涼月銜雲清風出谷秋滿人間况出水芙蓉詩篇絕麗

環溪修竹酒興將闌子羽湖頭伯通橋畔好友相思嘗  
往還揚舡去見停來顧渚望去吳關 橫塘暑氣將殘  
更微雨初過銷夏灣只陂有雞棲人歸畫舫丘當虎去  
寺在青山疇昔曾游石城深處夜月清樽醉未乾歌詞  
罷向旗亭試聽可有雙鬟

前調

題閩容庵青谿  
傳後有序

予夙為調笑詞紀馮弦事惜弦雖令材而事近于媿  
渡淮十日晤容庵粉巷出彭生詞讀之初以為賦古

耳及讀竟始知為容庵少時事也容庵真今之君虞  
樊川矣哉青谿傳辭致幽斐其所答寓札亦復激宕  
可誦因為括諸詞合作一首詞雖不工事喜不媒世  
母以予詞入調笑可耳

桃葉堤邊琵琶巷裏人字青谿本博陵舊氏愁窺燕幕  
汾陽公子共聽烏啼春寒愁又度落盡東園幾樹梨空  
回首正江南烽火塞北征鼙相誓盈盈兩地奈仙源  
鷄犬望後都迷况渚下書沉誤排雁影章臺人去遺恨

桃枝隔巷空還繫臂便鈿合金釵何處思只蠻牋數幅  
堪付新詞

賀新郎

蕭山縣署  
贛塔詞

正河陽花滿秋水芙蓉艷紅如翦贛塔淳于千里至早  
已題詩齊苑喜今日先生銀管古署催粧開錦席看一  
堂紫燭鋪香軟雙瓊暮酌來淺 萬條紅燭燒將短更  
庭前幾行畫扇遮來宛轉洗馬文章當日事樂令風流  
不遠况種得藍田瓊琬最羨今宵乘鳳處聽秦臺幾曲

簫聲緩烏鵲到喜何限

滿庭芳

南園公  
燕即事

初過清明纔逾上已羣賢高會南園花巖接檻洞口瀉  
紅泉移得行厨竹裏凋欄曲雜坐金鈿擎觴至紅兒嬌  
小猶弄剪刀錢樓前爭作伎枰楸壺竹游詠依然看  
玉釵紛絳蕪澤微傳醉煞蘭亭舊侶華燈外新月纖纖  
當筵賦園如金谷人似永和年

前調

為汝南張廣文  
題傳奇卷首



夏里開基清河啟郡曾燃秘閣青藜高齋寂靜夜聽汝  
南鷄彷彿神人告語他年事枕畔留題長弓後貂蟬奕  
葉不數舊關西 黃梁炊未熟翩翩蝴蝶醒後多迷託  
梨園象板羽殿銖衣千載鳳鸞佳配華茵煖共酌玻璃  
聽吹罷一聲長笛無數綵雲飛

前調

題玉妃獻冊圖為汝  
寧金使君夫人生日

琳琬瓊妃瑤臺金母當年曾駕蟾蜍因披玉冊還御五  
雲車絳去廬江錦悅閨房秀早被霞裾淮西路春城千

騎夫壻上頭居 五花裁作誥香奩百琲總是珍珠看  
平頭擎履編齒吹竽獻得龍泥舊簡傳經後莫問居諸  
閒相視山桃片片飛滿玉牀書

貂裘換酒

題吳寶崖停鞭拂劍  
周和其自題原韻

想此為圖者計生平嶽嶙壘落未經揮灑富貴何時思  
量起凡事盡如此畫縱滿地才源傾瀉但頻年驅馳南  
北到頭來抹却當時話惟此劍鎮無價 從前只向車  
前掛看中原平沙萬里儘堪馳馬建禮門邊題名後便

到瞭鷹臺下且自解雙錄重把多少英雄今安在遇甘  
蠅莫折飛蓬射窮與達有時也

念奴嬌

即事  
有序

暮春二月寒食夜胡繩先招飲上海署中聽妓酒半  
為詞

申江官舍看桃花開後柳絲如織伯始風流纔啟宴此  
夜剛逢寒食燭下新粧榴裙百褶翻盡深紅色那堪小  
妓病來歌舞無力聽蓮漏將殘玉觴嬌瀉去脣脂俱

濕夜雨初過花毯上尚見翠鈿狼藉明日清明來朝上  
已到處春堪惜勾欄未散漫言今夕何夕

前調

徐都官裁枕函實詩名為  
詩枕製詞索和浸次其韻

撚髭無計喚奚兒長向水邊山麓蒲簟橫陳將偃息好  
句吟來斷續授用嫌頻開槭已緩紙片紛零碌游仙歌  
處斲成五色文木 試啟小簾中空方欄連袵大似青  
油袱豹首雞鳴俱不用但取便便豕腹夢去無論醒來  
何事栩栩相追逐蝶庵詩就此時午睡方足

桂枝香

即事  
有序

馬丹谷伎席有小鬟後至病不能作伎坐侑間詢何  
名曰未也宏軒張先生以其氏李且病中遲至取翮  
何珊珊之句贈名翮來同席者各為詞記之予與張  
南士朱拜石丁殿生徐西崖莫蕙先並作桂枝香詞  
時康熙十六年二月三日

夜堂聽伎正絳帳花垂玉鑪香細蓮炬光中兩兩舞裙  
拖地忽來金雀鴟鬟小算纔堪瑣兒年紀欄邊歌緩油

車暗裏翻然而至 便手把金尊徐遞似嫩葉裁衣幽  
蘭吹氣病起遲來問取小名尚未風流京兆偏憐惜道  
延年女弟如是珊珊可念何如竟喚翩來為字

滿江紅

題吳墨舫桃源圖  
步原用文待詔韻

圖畫當年正桃樹生花時節有延州高士酒顏方熟南  
浦風光何所似西疇興會由來別恰聞人洞口憶當年  
頻頻說 舟過處涵冰雪花落盡同榆莢嘆青芝白鶴  
一時都絕凡事總隨風裏絮披圖恍對雲間月幸前賢

手澤有傳人思來切

水調歌頭

詠鹿脯  
有序

家會侯邸舍以鹿脯食客方雪岷陳其年及予有詞  
加豆得乾腊醜酒莫踟躕奈何置身巖谷其命在庖厨  
不是籠驢炙豕豈是牛糲鷄胛此物本清虛但束白茅  
去安問綠蕉無 人一食壽百歲試何如陳蕃設牀相  
食慢作魯公書皮不必為藻幣腸不足為酒器祇噉此  
些須客座手能擗何用倩麻姑

雲仙引 壽王鄂  
叔進士

蘭渚亭邊蓮河橋畔高門乍啟朝陽丹紱繞彩雲翔云  
是覽予初度爭獻仙人九醞觴何限才名今纔四十江  
左王郎 宮衣試著來長有花下新裁小樂章回首京  
華難兄執戟同是東方待補山公正當典簿努力功名  
看未央他日烏衣黑頭還聚重醉秋光

上西平

譚開子貽盡并賦西  
平樂詞見訊志謝

嘆年年看不盡短亭花更冬殘雪後停車問誰相憶寄



來滿幅是烟霞分明指有西陵渡口人家  
滄洲近知  
何處空厯遍路途賒念君也留滯西平思時便望望時還  
見暮雲遮何年攜我向青山麓碧湖涯

慶清朝慢

湖墅高會同王丹麓  
陸蓋思諸公即席

候屬添絲人方繫纜還逢高會南皮閒堂夜來紅燭倒  
映金卮爭投博箸妓簾不掛夏侯衣頻傾看有葡萄釀  
色似臙脂 夙昔祇愁間闊長從紙上汗漫寄相思今  
夕不知何夕能預斯期城頭紉如五鼓傍筵耿耿玉繩

低那堪與曹劉沈謝即席為詞

醉蓬萊

題贈徐涵之  
小蓬萊別業

是南州高士東海名家西河舊里茅屋數椽縱亭臺無  
幾牆外疎桐欄前薜蔓到處成陰翳人道蓬萊逍遙散  
誕不過如此堪嘆年時燕齊吳楚汗漫天涯倦游知  
止一任人間似桑田海水家有山妻門無雜客架上餘  
書史安樂窩成吾其從老于是鄉矣

蘭陵王

別譚  
開子

淮南路正值嵩陽歸去梨花晚寒食初過與汝東湖最  
深處夜涼傾斗醕聽撥銀箏無數扶紅袖酒醒回時長  
是城頭鼓聲曙恨一別如雨更南北東西春還秋暮  
許昌宮裏留君住任作賦繁臺題詩梁苑何期此地復  
相遇彷彿似前度看舞郡中署便圖遍屏山歌殘燭  
樹送君還上棠谿渡望長淮千里依然東注那堪言別  
况綠柳漸飛絮

風流子

答和桐城何  
令遠見寄

浮山如在眼，樵陽路時望。大江遙想當日長，瑜曾為四  
友。今聞子季仍號三高，從誰道十年黃令閣。一別湛郎  
橋湖上，風光全隨蓬轉。江南春信半在梅梢，幸新來  
無恙詞中尚記得。醉卧甘蕉，不道安成前度良夜迢迢。  
自白鷺洲邊歌殘，纖月紅螺澤畔酒散。寒潮試問梁園  
賓客，誰憶枚臯。

南浦

和徐西  
崖贈別

最傷心處是紅亭，載酒上河橋。多少畫欄干外，楊柳正

垂條五兩南風欲度趨申江幾曲暮歸潮奈離筵人散  
贈鞭情重雙淚落征袍 此地遨遊堪戀遍亭臺春意  
鬧花梢長載佳人油壁深夜教吹簫况值歌成南浦也  
為君重撥紫檀槽且和歌一闋問當前誰最魂銷

西河

答和王西園送別

春去久怕逢客館長晝寄君書到正街頭濯枝雨後那  
堪黃浦晚潮生一帆吹下如溜 憶當日方邂逅按歌  
新記紅豆酒間移燭和子詞霎時草就肉肉散去鎮蹉

跼蜀葵花發時候  
驪駒唱罷頻把袖看江流如許  
顰皺遙指垂楊渡口更短亭東上酒家依舊欲放歌何時  
還又

滿庭芳

又一體 失題似  
為同館沈氏生日

梔子開殘宜男採遍日長深院啼鶯正荷衣被暑裁剪  
初成曾向慈恩寺裏春池淺蘸筆題名人爭看風流拔  
俗第一吳興 相驚舊時八詠東陽雲起處藻思縱橫  
恰衣盤雕錦紙染紅菱羨煞絲綸世掌鳳池上絳羽爭

明懸弧處堂前花發海上雲生

剔銀燈

詠米家燈  
有序

梁尚書席上有燈為宛平米氏所製堆紗疊縠作山  
水花鳥人物座客各有詞屬和焉

百尺冰荷可喜况滿壁盡張羅綺翦縠為欄堆紗作樹  
不數米家山水隔屏人指道人在隔花屏裏 金粟玉  
蟲纍纍光到處輓轡齊起雞戴珠竿龍銜火籥總是數  
條紅紫燈前且醉看燈影照人何幾

題姚將軍五圖詞

今存一首

相見歡

桃源採藥圖

何來採藥仙源問當年云是伏波橫海舊登壇 麟閣

裏滄洲意任相看一似桃花流水向人間

臨江仙合詞

題為奉贈何梅庄使君夫子作因使君初守越既使詳柯後復為兩

浙音體少叅因有此詞但合二闕為一首不分又同一韻故照本抄入不敢移易

當日虎符初下處桃花開滿山阿萬層絳帳覆來多驅  
鹽投峻阪拔羽出虞羅 一自龍山高會後春江曾哭



曹娥天南萬里到牂柯  
帝鄉把琰去錦里盼車過  
誰料十年星紀換延津  
還汎仙槎江淮轉運使  
如何金笳開越嶠  
繡綵動吳波  
幸得閒堂仍聚首  
清樽頻把玻璃  
羅劉郎前度喜重過  
公門桃樹老猶有舊枝柯

十美圖詞

為汪蛟門主事  
作今存三首

減字木蘭花

燈下收  
書圍

合歡成被鋪就鷓鴣單  
枕膩豹髓全融肯負饒  
燈入夜紅壁光如曙  
翻恨袖梢遮不住  
收却殘書何用掀翻

壘算珠

菩薩蠻

午腫  
圖

玉欄長夏金塘裏軒窗四面荷風起  
菀蒻織花紋盤盤散綠雲  
柳帷寨未閉隔水窺人至待起整釵鈿郎今  
未可前

虞美人

紅絲拂子  
打槽郎圖

樂陵臺下看紅藥底處曾相謔  
苔衣掩盡石欄花辜負  
東園杏子數枝斜  
紫龍髯拂珊瑚柄禿袖紅相映郎

身豈有楮頭蠅暫作吳宮點墨白螺屏

允閣十詞

有序

予游淮時閻子牛叟與丁少君敦伉儷之好作允閣  
十閱索子和詞予未有以應也閱一十八年予赴

召至京師值牛叟年七十丁夫人已亡其嗣君百詩重  
貽書并幣專使赴長安請和前詞蓋欲以承尊人歡  
當稱觴地也予始理其詞對使和去其十閱皆有題  
依題演義不自解工拙牛叟知我定有以諒之耳

南歌子

齊世家  
形史

朱闥迎齊女金箱貯楚雲高閣傍斜曛阿誰居閣上濟

陽君

鵲橋仙

證前  
生

蓬山小吏上清舊籍曾控九仙朱鯉若非花下認前身  
幾負却雙成久矣 楓亭何在治裝東去請食宋家荔  
子縱然置驛未能通也勝看忠州畫裏

小重山

雙魚  
詞

兩地烽烟天一隅  
蔣山西盡處莫愁湖  
誰言流水隔姑蘇  
春潮上中有一雙魚  
緘處印含朱澤蒲  
裁作線界蜘蛛簪  
花小字畫來踈憑偷看傳作寶家書

荷葉杯

維摩天女  
恰同叅

乃與阿潘同住何故  
花月映江潭問誰還宿  
普明龕叅麼叅叅麼叅

天仙子

病榻  
間情

長向花前攤女史  
一榻自安花蔓裏  
儘教春去病還留

捐藥餌弄筆底全似建安女博士  
堦下稚童搖葛藟  
滿院月明清似水漫言蒸芥辟除難  
君意氣且已耳汎  
婦請從一室始

十六字令

宋佐

齊代遠空吟乘馬篇真珠釧解作算商錢

柳梢青

聯吟

錦闥閒心綠牕幽興得句相調何意東園杏花開遍又  
是春朝  
丁娘且索揮毫甚處見歡情久要幾閱清詞

數行細字一幅生綃

西河

琴奕  
雙清

且慢記琴心當日何似只看綠綺繞孤桐素絲未理高  
山流水有誰聽離懷此際如寄 况花底楸樹子舊枰  
在斷垣裏空留遺掛紫檀心琢成累累橫橫直直試躋  
踏幾曾閒却纖指 是中意誠莫已良人惜未能此追  
憶爾時佳致或庶幾鼓瑟湘靈堪比何况圍棋張良娣

臨江仙

速  
下

不辨黃鸝能却妬臨溪且採茵陳文園能聘茂陵人君  
心難問取我見也憐生 今日秦淮相接處當年桃樹  
桃根門前流水記前因鬢陀花下影同拜繡幃身

瀟湘逢故人慢

採菱

採菱歌罷見紫角新翻綠苞初卸問灌湖前汙女伴恁  
來遲停船相迓紅袖風吹剛一望夕陽西下喚侍兒慢  
捲朱竿菱刺又牽羅帕 舉棹去南浦夜歎洲盡含霜  
灣名銷夏此事思如乍待舊約重尋流光不借幾度秋



風看浩浩長淮東瀉好愁人翠藻清漣猶是參差如畫

樂府補題和詞

樂府補題者南渡越州諸處士所作詞也卷首載玉筍王沂孫

聖與蘋洲周密公謹以及菊山唐珏玉潛後村仇遠仁近共十三人同于宛委山房諸處

詠龍涎香白蓮蟬尊蟹五題其詞為天香齊

天樂摸魚兒水龍吟桂枝香合一抄本在梅

市祁宅藏書中未中朱竹垞為序之而鏤板

京師且屬同館作和詞各五首初晴歸田後

其五詞俱亡矣後陳其年遺稿中有白蓮蟹

二詞是初晴作註筆甚明因句其年手抄稿

附載于此

共二首

水龍吟

白蓮


前湖十里芙蓉到門皦皦明如練波光雲映蘆碣鷺下  
宛然一片細的含鉛青房濾粉素珠成串便採蓮紅女  
絳裙千褶遮葉住有誰見 只為社中人散倚遙空削  
成難辨赤欄橋子無端愁把碧天遮斷月下飛香霜前  
落葉容華將變但秋衣未製剪來朵朵不須染茜

摸魚兒

蕙

但秋風有誰還憶夏瓜冬菜春韭兒家住近橫塘曲長  
在柳姑廟後相邀取借隣女花竿挑起紅絲瀏摘來盈

缶任九月豬毛百莖雉尾總貫一壺酒  
晶澁甚漫說  
白如瓊玖下將鹽豉烹就鈿頭釵脚難形似只顧流匙  
在口還念否料拾鱠分鯖未是和羹手躊躇良久便羊  
酪能勝龍酥堪敵歸去也何有



西河集卷一百三十六

欽定四庫全書

集部

西河集卷一百

三十七至  
四十一

詳校官編修臣曹城

助教臣常循覆勘

總校官庶吉士臣倉聖脉

校對官編修臣陳崇本

謄錄監生臣楊邦彥

欽定四庫全書

西河集卷一百三十七

翰林院檢討毛奇齡撰

擬連廂詞應刪

西河集卷一百三十七

欽定四庫全書

西河集卷一百三十八

翰林院檢討毛奇齡撰

七言絕句一

發采石

天門相望楚江秋  
采石磯邊舊酒樓  
醉裏乘潮牽纜上  
不疑江水向東流

小孤關下作

小孤江畔海門關日暮孤舟自去還神女廟前雲乍斂  
秋花開滿宿松山

伊州排遍

清商新曲唱伊州才唱伊州泪欲流拂雲堆上看青雁  
回樂峰前跨紫騮

水鼓子

燕尾蝨弧鵲尾旗從征三十羽林兒秋來莫過胭脂嶺  
怕見閨中顛顚時



逢黃大飲

二十年前江夏黃相逢各訝鬢毛蒼  
閭門菰菜蘇州酒  
錯指夫椒是故鄉

予與張四兄弟作雁序游久矣今來石陽遇令  
叔三先生于施公湖西署中值其初度湘潭

王生索共題卷軸以賀倉卒書獻情見辭語

清河先輩杖鄉年十月寒花照酒筵恰是西江秋泛後

石陽城下米州船

二

少年曾與阿咸游  
苦憶黃公舊酒樓  
不道步兵裁六十  
它鄉還得醉扶鳩

三

先生近倚謝宣城  
未返山陰道上行  
六十年来最可念  
石陽重遇舊毛生

四

小春初見拒霜開  
同醉湖西幕府來  
願借使君亭下水

爲君重洗百年枯

送劉博白之任

蒼梧萬里碧天迴  
君到天門瘴自開  
不識舊時賢使在  
雙山曾採綠珠來

二

新懸黃綬向南天  
獨上交州萬里船  
我欲從君游覽去  
綠珠井上燕山前

種蓮號子

青螺江頭種木蓮  
紅蓮種在白蓮邊  
大姑愛紅儂愛白  
相看總是一般憐

晚沂章江上峽江口

章江西上峽江開  
截竊山城峽口迴  
兩岸青林懸落日  
不知身自剡中來

觀洧有感

洧水來觀已暮春  
高粱千尺覆通津  
楊花陣陣飛如雪  
誰是當年贈芍人

一公自雲門來過

春雲熠熠海東生擬泛浮杯渡海行  
偶向五雲門下過便教雲氣滿江城

戴金索書詩卷留別書後

毛子將行別戴達留書新句慰相思  
空庭一片清宵月照見秋蛇綰草時

江上吹笳曲

楊柳青青覆淺沙西陵江上暮吹笳  
前旌已渡猫兒口

後部還尋師子花

妓墳

葛洪井畔麗人家  
隔歲山前墓女娃  
幾寸綠羅衣上土  
春來開作野藜花

章江舟夜題趙文敏文姬歸漢圖

數尺吳綾凍女裁  
王孫幽意使人哀  
朔風吹角章江靜  
恍見文姬塞上迴

蕭伯升邀姓春浮園度臘不果將赴蕭江覆寄

見懷

欲赴蕭江徧歲除燈前重寫別君書  
久行不道離家苦  
說到東歸泪滿裾

二

秋風相約泛仙槎許過西昌蕭絳家  
寒雨一帆頻夢見  
春浮園上雀梅花

三

東行歲暮役車休回望西昌愁復愁  
此去思君還不遠

蕭江仍在贛江流

和燈夕詩 有序

友與當壚者會燈夕已當壚者他從遠矣次年是夕  
重貽詩和韻者友人之請矣或曰丘隨事

碧雞坊裏聽吹簫紫嶠紅泉隔路遙萬樹銀花一輪月  
依然今夕是元宵

黃家亭子

黃家亭子傍東溪碧樹紅欄面面低曾繫幔舟亭子外



藕花初落水禽啼

二

八月涼風起畫橈滿塘楊柳拂秋潮春還欲別王孫去  
思煞亭前紅板橋

三

西樵山人隔巷居黃園東去種枿欄聽山堂好吾曾到

竟日開簾讀素書

馬西樵聽山  
堂在黃園左

四

翩翩江夏舊黃童，只向東隣事馬融。  
冰雪獨留絳帳下，

山茶開盡滿園紅。

此首贈黃二公子翰也。

題鳧亭

爲樂六舞也。

芟花四月滿前汀，對水柴門晝自扃。  
幾曲湖光烟棹裏，何人不識是鳧亭。

二

鳧亭高榻枕清虛，亭下還留子敬廬。  
鳴鶴在陰應有和，

只愁驚起石潭魚。

亭下曇廬爲令嗣功昭詠室。

送周翁赴令子和州官署是時十月值八十初  
度

先生八十老林丘擬作淮南八子游蘋葉蓼花牽錦纜  
西風八月上和州

二

橫江官閣蓼花生畫舫紅簾相送迎正值小春初度近  
彩衣應舞歷陽城

秋夕懷友

黃榆落盡薊門秋都尉臨關換罽裘只有嚴寒蘇屬國  
還持旌節海西頭

題朝陽松鶴幃子

瞥見浮丘仙驥才松枝掠羽雪霜開錦屏七尺朝陽影  
時有銜珠破壁來

二

衣裁白雪頂裁丹萬里長風動羽翰浮浮日影連滄海  
片片松花落紫壇

興慶宮詞

一作開元宮詞

興慶西宮夜未央  
梨園新笛奏漁陽  
誰將凝碧池頭月  
吹出并州塞上霜

漁山平賊凱歌四首

江東千里巨藩開  
疊鼓鳴葭振外臺  
白日羽書三奏捷  
漁山小寇夜平來

二

節使行軍出鑑湖  
銅魚符間木魚符  
虎爪山頭馳牧馬

雞心嶺下射飛狐

三

單車刺史舊行邊  
山郡飢來寇盜連  
降幡齊出蘭陰砦  
解劍爭歸瀨上田

四

檐帷昨歲賜明光  
凱樂今朝奏上方  
誰道萑苻多竹箭  
悠悠旌旆返東揚

寄京兆杜二游雲間二首

西安杜預武昌侯曾向山陰鏡裏游  
長日榴花歸去晚  
尋君只在澱湖頭

二

青龍戰艦白龍沙  
玉鱗金蓋醉晚霞  
却憶若耶春泛後  
淥波長映杜陵花

送客入蜀

西到成都未有期  
春江淼淼接天涯  
須知莊躑三巴路  
不在秦王萬歲池

送高公之任惠州

嵩螺山下古龍川，瘴裏花飛繞翠田。  
前去陸郎須記得，尉陀今是漢家年。

舟中聽祁兵憲歌兒

桃花新水木蘭舟，一曲春波水自流。  
夾岸垂楊牽不住，東風吹過白蘋洲。

二

停船捲幔立雙娥，按拍重爲宛轉歌。  
只聽簫聲翻淥水。



那知山色似青螺

元夕樟湖渡看迎燈口吟

樟湖古渡暮登臺  
火嶠星槎看渡來  
十條紫電江心轉  
萬疊紅龍水上迴

古意

五原烽火夜猶驚  
莫道王威不在兵  
但使將軍屯細柳  
何須年少請長纓

涼州詞

漢家天子射熊歸畫祀神宮夜有輝金馬門前留執戟  
銅駝觀裏侍充衣

二

涼州一闕朔風高彈成金屑紫檀槽出塞馬銜青苜蓿  
入關人載碧葡萄

何紫翔女弟子鐳姬彈琴

裁拂朱絃花又開洞庭秋思聽悲哀從教認得鐳姬在  
猶道湘靈鼓瑟來

二

青鴉髻子絳羅裙紅燭燒殘夜未分  
忽聽一彈盧女曲  
階前紅藥墜紛紛

黃開平四十初度

文園丈人南澗邊千頭橘柚萬頭蓮  
抵緣誤食中山酒  
醉臥湘湖四十年

二

軒轅歷日記來無但見蘋花滿上湖  
不使山公爲郡簿

頓令四十老菰蘆

北新號子

北新關前銀杏黃小船風起大船涼只愁日日秋風順  
吹殺樓頭新嫁娘

二

高官大估坐樓船小艇嬌娘最可憐關前採菱關後賣  
也須出與鈔關錢

同江右王猷定禾中朱彞尊越城汎舟赴姜國

昌廷梧暨承烈啟竣三令姪南華山莊讌集

即事

輕舟共泛越江春  
句踐城邊採綠蘋  
右軍已作山陰客  
買臣本是會稽人

二

十里春城柳未黃  
青絲竿子拽波長  
城南載酒還城北  
尋煞祠前王四娘

三

金史元三  
卷一百三十八  
春城日煖擢歌迴乘興姜肱載酒來隔岸桃家舊亭子  
東風絃管使人哀

四

南華山館比逍遙句踐城南泛畫橈張說題名渾舊事  
關前春水漲紅潮

桐城孫中龍中鳳游越歸里

荀氏如龍馬氏駮憐君兄弟本高才抱郎山下時相見  
盡道機雲赴洛來

二

樅陽兄弟舊知名零雨還來賦子荆日暮江潮如乳白  
看君歸去呂蒙城

吳門宋孝廉實穎游越將歸枉過

相逢朔雪下江城歸去姑蘇草正生八百湖楸無限路  
君來何處不知名

二

舊會蘭亭未有期西陵潮上繫人思如何君返支硎日

又是予尋阮裕時

時予將東行

題老遲畫幃

圖畫新鮮見老遲  
瑠弓玉鏃小蛾眉  
巖粧不辨宮中樣  
那道昭陽射粉兒

桃花村

馬湖西頭桃花村  
當湖一曲有桃根  
春三二月人不見  
桃花開時雙閉門

二



春桃花開馬湖裏三年桃花四年李女兒嫁時看種桃  
幾度桃花落湖水

口號

堪笑凌雲作賦才還從梁苑伴鄒枚成都司馬今歸去  
將到臨邛賣酒來

二

賦爲違時多散落家于避地益卑微春寒日暮淮徐路  
青草蒼茫何處歸

長門怨

玉殿金釭晚色新  
殿前少使繡麒麟  
夜來恐索長門錦  
要賜平陽歌舞人

揚州看查孝廉所攜女伎七首

內部新歌教欲成  
幾年湖上聽分明  
醉來忘却揚州路  
猶道西陵風雨聲

二

新翻樂府最風流  
簇拍新歌拂舞鳩  
當日紫雲來錦席

今朝杜牧醉揚州

三

金釵十二正相當  
剛寫蛾眉十二雙  
着就舞衣臨按鼓  
一時填滿碧油幢

四

攆榆布地燭屏開  
紫袖三絃兩善才  
旦色末泥善彈  
二十四橋

明月夜爭看歌舞竹西來

五

新  
歌  
教  
就  
費  
千  
金  
歌  
罷  
重  
教  
舞  
綠  
林  
年  
小  
不  
禁  
提  
趕  
棒  
花  
裙  
欲  
卸  
幾  
沉  
吟

六

青  
臚  
細  
齒  
絳  
羅  
單  
作  
伎  
千  
般  
任  
汝  
看  
獨  
有  
柔  
些  
頻  
顧  
影

猜  
人  
不  
欲  
近  
闌  
干

旦色名  
柔些

七

是  
處  
瓊  
花  
開  
滿  
枝  
瓊  
臺  
歌  
舞  
正  
相  
宜  
就  
中  
別  
有  
夭  
桃  
嫩

開  
向  
東  
風  
遲  
復  
遲

小旦色  
名遲些



西河集卷一百三十八

欽定四庫全書

西河集卷一百三十九

翰林院檢討毛奇齡撰

七言絕句 二

上海縣新年樂詞

為任明府作

官舍辛盤列繡茵  
桃符又換一年春  
令君本是潘懷縣  
能把椒花贈故人

二

玉厯初從翠幕開  
三陽齊向斗邊迴  
朝天散後賓朋集  
恍有春風度海來

三

裁成方勝五花鮮  
各佩潘郎月進錢  
祇爲鶯啼仙署近  
春花插滿印牀邊

題壁

十里隋堤看柳花  
旗亭南上玉鈎斜  
紅螺杓子葡萄酒

醉殺揚州馬佩家

馬佩舊院妓名  
時避兵居揚州



申江守歲詞

申江守歲夜筵開  
夜半休啣柏子盃  
嘗恐客中愁不斷  
一年未盡一年來

甘泉宮詞

漢苑通天拂羽旗  
平明駕幸集靈池  
紫衣使者持瑄玉  
候祀甘泉泰乙祠

二

建章前殿擬蓬萊  
玉輦金輿發漸臺  
侍臣竊聽神君語

道是甘泉好會來

三

黃帝青靈駕栢梁甘泉宮闕舊林光黃金欲就黃河塞  
自有靈芝產殿房

四

漢家十世大蒐田百子池頭禱嗣年不享上玄祠泰時  
從官那得賦甘泉

重和絕句

有序

予既和載花船長句復彙集諸詩見示重和四章從  
友請耳韵亦因之

燕子樓前雙燕飛舊時桃葉渡頭稀只憐尚有秦淮水  
載得花船緩緩歸

二

水滿春江花滿舟秣陵西去使人愁渭南亦有昭陽觀  
花裏重尋女弟遊

三

嫩柳夭桃不用尋  
可憐兩漿結同心  
橋公重說周南郡  
漳水空留銅雀吟

四

蘭橈桂楫度江雲  
欲採芙蓉染絳裙  
帝子再來江水上  
可憐阿姊是湘君

韋使君美人彈琴

高張紅縵洞湖濱  
蘆藕苗間一美人  
靜撫流徽堪念處  
十三學得漢宮春

飲馬城邊曲

燕臺北望薊城山  
飲馬城邊驅馬還  
前度錦車休出塞  
將軍近在草橋關

二

城邊飲馬莫辭遐  
將採燕山二月花  
日在陣前誰見敵

薊門關外盡風沙

誰一作難  
盡一作有

西海曲

萬里昆陽水上浮  
紅螺紫貝結爲樓  
未有唐蒙開楚道

從教馬援在交州

二

虎威門外撞華鐘  
白嶠烏蠻並舉烽  
夜點水軍三十萬  
雕題績出海中龍

絕句

馬當山下小姑神  
獨立江心不計春  
上江水來下江去

朝朝風浪好愁人

一本作江鳥  
御魚飛欲  
盡晚來風浪好愁人

清芬閣方夫人初度

縱陽大家舊能文高閣差我映碧雲七十年來玄覽賦  
憑將千載誦清芬

奉答白門向遠林枉過闕候贈詩

春山十里野櫻開朝採櫻花暮未回蕭寺也知向秀到  
蓬門不道遠公來

代搖船號子

小婦搖船襖子紅早行湖北暮湖東連朝怕見風潮惡  
湖裏雲生愁殺儂

二

小婦搖船江水深  
晚來江路好難尋  
分明記得雙橋宿  
日出相看在皂林

送宋臬臺由紹興道赴任杭州十四首

東南觀察古諸侯  
玉節臨關擁上游  
藩府舊曾開八部  
千艦萬舳向杭州

二

金幢百里曉雲開  
浙水東流去復來  
一道星飛吳子國



羣公帳飲越王臺

三

明時栢府外臺臣  
決日楓宸中眷新  
久使南行勞叱馭  
誰知東郡早埋輪

四

鳳凰山下豸堂高  
憲使西行仗羽旄  
兩岸桃花迴錦纜  
春風徐渡浙江濤

五

清霄鶚度壓江濱  
遙海鵬飛簸曲雲  
漸水豈因吳越限  
使星不逐斗牛分

六

越東八察元才子  
浙右雙旌李鄴侯  
轉運倘能懷左臂  
金章犀帶鏡湖秋

七

褰帷露冕導江沙  
攬轡登車問海涯  
全轄名都一十二  
望風解綬是誰家

八

兩行豸節駐錢唐  
萬仞龍門起故鄣  
明聖湖光同皎鏡  
紫微山路比秋霜

九

望京門外挽金車  
鎮海樓頭展玉笳  
幕府政成多問字  
春江相送共侯芭

十

三秋熊軾望來遲  
十里樟亭繫去思  
惆悵過江羊叔子

東風一路野棠碑

十一

提刑大使玉津宮舊日刑官是大馮二到兩丁何足羨

試看今日廣平公

宋王仲先生舊  
爲杭州司理

十二

錦棹春江西上時吳山相望鬱參差他年紀績能懷古

應到錢王武肅祠

十三

白羽青絲間虎符  
豸堂驄路隱龍圖  
時至謳思連十郡  
暇來賓從滿三吳

十四

使星才發會稽山  
獻石懷錢滿市闌  
只恐內臺相望久  
浙潮一日兩回還

過徐十五茶肆出張六四丈隱居所贈絕句云  
丈甚惜此詩必屬毛牲書筆藏之爲慰臨書  
亦賦二絕句附後

南州高士縣西街長掛官茶舊市牌欲向黃公尋故侶  
却憐宋子在天涯

二

垂老張融未卜隣同時徐穉亦長貧新來寫得相思帖  
曲渚停舟錯認人

爲錢唐王生題畫竹

碧篠娟娟倚翠苔高岡雙鳳羽毳毼空庭月落誰相顧  
知是當年子敬來

題仇英畫幃二首

南朝蕭寺暮雲間  
漁父滄浪鼓棹還  
樹杪亂流遮暝色  
不知何路向前山

二

屏間長見十洲圖  
珠樹瑤林近有無  
釣艇欲歸溪路暗  
碧天空掛水模糊

寄寇詩

有序

白門妓寇眉  
故撫寧侯曾購以千金  
寵之侯被俘北

行鬻婢妾于豪家并欲強致寇寇曰予奚事此也且鬻予數金耳請得歸歸則丐諸侯故人得千金未足重為妓繼之侯由是免張荀仲先生曰寇非無知者語及故侯家事輒慟哭王雙白曰江以南遙情似寇亦罕予時寓廣陵寇將來或曰寇復不來擬寄之

莫愁艇子載琵琶慢向青溪摘藕花舊日侯門君記否  
廣陵城下邵平家

張二丈七十初度自咏小像松菊圖索和



清河居士臥東籬  
松菊閒吟酒一卮  
猶喜春前方七十  
勿嫌秋老探花遲

二

庭前松菊自行歌  
畫裏柴桑雙鬢皤  
散寫新詩編不盡  
可知甲子記來多

口號

孤舟殘夢帶霜開  
十里山塘雞唱迴  
幾處隣船棹歌發  
悠然客思夢中來

伯兄雲間歸攜讀章大司馬閨淑有閑香奩詩

因作時七月七日

秋棠花發鵲鷁還攜得金箱劉令嫺此夜曝衣樓上望  
萬重錦繡滿雲間

即事

綠蘋翻葉水生紋青雀低飛日漸曛南莊風來北湖雨  
太守祠前一別君

姜公子希軻誕兒

太傅堂前五樹新香襴繡祿石麒麟從容伏日傳湯餅  
爲有朱衣拭面人

適伏日  
招飲

二

丹山九翮鳳凰車五色銜來掌上珠夢裏熊羆驚莞草  
君家舊有渭川書

從軍行

龍城積雪焰蒲離壯士從軍建羽旗此去渡河剛二月  
燕支花發到車耆

二

將軍夜獵向南山  
暗把雕弧射草間  
聞道甘泉初備寇  
五原烽火達蕭關

弔喬公故居

皖水茫茫繞碧渠  
青天環映石樓虛  
漫嫌江北無春色  
只在喬公一故居

樂六舞功昭父子  
邀集鳧亭予以別  
集未赴閱  
日復爲詩見招  
兼屬訂日率筆酬意

鳧亭一望水中遙，細藕長蒲阻畫橈。  
落日滿湖人未到，爲予重上赤欄橋。

二

東湖深處藕叢青，邀我重傾白玉觥。  
今日南園明日醉，也須後日到鳧亭。

楚州除夕三首

羈客天涯值歲除，楚州城下舊精廬。  
新槃燒罷紅燈暗，翻盡頻年篋裏書。

二

客歲將除夜漏長屠蘇酒煖贊公房只憐故苑椒花頌  
不共天涯一漫郎

三

爆竹明朝歲復新桃符又換一年春淮流不斷東歸夜  
猶有淮陰度歲人

元日

蒼龍初轉斗初迴僧舍初銜栢子盃四十年來殘歲月

不堪還向客中來

頃以家冗獲咎暫去鄉里枉荷山陽令朱公極  
留三却三挽臨行感激念其廉材惠民而未  
嗣因寫鬻兒圖留贈并爲作詩

看花三載住淮南白鹿銜花傍兩驂最是淮民善相祝  
春田綠草種宜男

二

淮南有子盡名朱淮水應生照乘珠不信但看銀幃子

野棠花底鶯兒圖

北塘席上送潤公之駕湖寄朱彝尊二首

錫杖袈裟古善才北塘深處重徘徊如何龍象波中度  
不見羊車市上來

二

臨湖曉閣北塘深五月荷花送道林百里波光長似雪  
可能乘興到山陰

宮怨



裁成紈扇擬修容  
曾賜昭陽繫臂紅  
一自上皇巡幸去  
空留春燕鎖南宮

二

金井鴟栖玉殿秋  
鴛鴦樓上夜藏鉤  
生來不解君王寵  
夢去還尋女伴遊

吳宮怨

吳王秋到便生愁  
長作姑胥百里遊  
綺火焰艷還上海  
牽旗走犬過長洲

二

百尺銀釭爪垂梧宮夜闔萬重帷浣紗溪上東隣女  
聞嫁西家椹角兒

何水部小妓

小小蠻雲宮髻新紅絲初拂舞衣塵呼來只向屏間住  
怕惱司空坐上人

二

上宮碧玉攏頭新短袖單衫染麴塵教就曲房揚袂舞

好娛官閣看花人

三

慢上蓮花舞柘枝  
偶傳清響最堪思  
自憐繁簿無佳句  
也遣名園聽瑣兒

張司理陞秋水園席上作

秋風吹雨照龜臺  
白藕紅菱水面開  
博望南還重載酒  
天河真見使星迴

二

南徐軍鎮海門青十載分巡舊理刑歸假不忘三徑樂  
雨餘秋水上空亭

錄別次韵

南風吹雨一舟輕  
百里隋河載雨行  
恨別涇園沈公子  
陽關只唱第三聲

二

我向嵩陽看落雲  
青楓江上又辭君  
此行將到衡州去  
只恐衡南少雁羣

姜十七宅食魚得湖西節使施公書并有所貽  
率然代意成二絕句

江風吹暖石芙蓉  
午幔清樽鱠鯉魚  
時開篋子頻頻看  
爲有湖西節使書

二

湖西節使擁旌旄  
尺素殷勤問紵袍  
怪底魚梭能破壁  
銜來金錯美人刀

題影幃

玉樹龍蔥照綠苔  
鴛鴦湖上石城隈  
是誰寫出滄洲意  
錯認麻姑渡海來

過張六四丈草堂看菊作

梁父行吟七十年  
草堂居士興蕭然  
重尋舊院秋花裏  
知在橫河古樹邊

二

西上橫河舊草堂  
尚書庭院菊花坊  
門前銀杏如相待  
才到秋來黃又黃

溯宣城青溪過響山作

宣城城下泛清溪  
苦竹黃茅兩岬低  
行到響山山盡處  
清猿野鶴一時啼

登寄雲樓懷愚山

謝眺高樓倚夕曛  
樓頭長寄敬亭雲  
我來吟盡雲齊句  
那得臨風把似君

送友之崇陽

二月春風吹客裝  
故人西上古崇陽  
武昌門外新栽柳

何處相思不斷腸

客舍

客舍桃花井上飛  
主人小女善縫衣  
只憐千里江南路  
換盡春衫未得歸

鎮江城下作

每度吳關增客愁  
江山無恙古徐州  
萬歲樓前雲乍合  
千秋橋下水爭流

同徐二十二嗣定朱三驛元馮大之京商二十



八家黃吉出巴山北城晚眺口號

巴山城外晚生烟一望寒林興渺然何處野祠延佇久  
黃坡西下北門前

二

丘樊幾疊暮棲鴉楓樹南頭舊狹斜落日巴山歸路晚  
與君同醉杜秋家

三

朝天門外路漫漫錦樹丹楓醉後還最是望中愁不盡

一重雲樹一重山

姜九榦畫寒鳧聽雨圖見寄

五月南湖泛野鳧  
田田荷葉間青蒲  
雨中多少相思處  
寄作寒鳧聽雨圖

雜詩

汴水西園值暮春  
雍丘古道駐征輪  
道上久無盤埒馬  
園中尚有看花人

平臺漫感

司馬西行狗監猜鄒陽新上一書回可憐千載賢王客  
不爲平臺賦雪來

清豐江梨花

清豐江上馬頻嘶萬樹梨花曉渡迷記得灑溪寒食後  
落花如雪過溪西

爲張公子玉樹贈字并詩

菁蔥玉樹映朱扉太傅功名世所稀欲問比來江左事  
謝家子弟在烏衣

題畫冊

茅屋遠開修竹外  
板橋初見杏花時  
前村野老爭相過  
流水灣環幾度思

題標園藏畫頁子

溪山慕慕路綿綿  
不到雲門已十年  
認得數株黃杏樹  
辯才墳畔寺橋邊

西河集卷一百三十九

欽定四庫全書

西河集卷一百四十

翰林院檢討毛奇齡撰

七言絕句三

送金二敬敷覲省汝南官署

紫游金勒控雙鑲  
公子思親江上還  
十月丹楓吹似錦  
看君西度朗陵山

二

汝南公子本翩翩，覲省將歸醉別筵。  
君去若逢哀夏雨，莫教徒步府門前。

題畫

東溪草閣吾曾到，傍水寒生山樹秋。  
今日畫圖相憶處，春山澹澹水悠悠。

中州張興嗣寄示南遊詩有感賦贈

丹陽不復問劉惔，少室山前掃石楠。  
一自君歌傳洛下，頓教人憶望江南。

二

幾曲梅花傍女墳  
當壚猶是舊紅裙  
武丘東畔題詩處  
每見花開便憶君

息縣雜詩

淮河東下古揚州  
桐栢山高一望愁  
自笑濯纓三過早  
涓涓不斷是溪流

二

伏波城下草斑斑  
銅柱功名海上還  
若欲遠遊餐蕙苳

城南尚有濮公山

三

毛甦北走大河濱  
隣女三年尚盼臣  
不是故園相憶苦  
爲誰腸斷息夫人

四

溪山曲曲法堂開  
白日長從塔影迴  
曾與老僧溪上別  
清鐘送過石橋來

五



柴車到處苦流連  
官閣開時只晝眠  
愛殺風流夏少府  
長攜樽酒出花前

六

翫花臺在舊城西  
臺畔粧樓一徑迷  
爲憶故園長不語  
莫教花外乳鴉啼

與臨川王君袂飲有贈

永和三月禊堂前  
看泛桃花年復年  
今日持盃翻記得  
王家內史在臨川

題墨牡丹畫

一枝初向洛橋分  
漠漠春山淡淡雲  
恰似漢宮新賜浴  
風前試着墨絲裙

題畫

有序

周侍郎藏畫頁中有春林薄日前山雨來茅堂臨流  
護之修樊何人男婦筍輿油蓋次第散出題者疑爲  
冒雨問友之圖嗣題者笑之詎見攜妻問友朋矣逃  
林不深移家更往差相似耳然西許古姜無須昇出

楚鄉萊婦何爲雨中豈其翦蒿西墅課  
非東田者耶  
村父拾明月三家識者環觀而估此可莞  
頰耳

攜家出郭翦蒿萊雲薄初看日影迴  
齊上筍輿山雨下  
午橋庄上晚歸來

留淮西金使君郡樓三年晨夕聽伎多  
陽陵西  
巴之音有吳中舊部亦蕭散不整大雪  
晚宴  
江南新伎至觀之生憶因爲賦四絕句  
并雜  
歌侑時座客童煒尹坪韓肅皆有和詩

朔雪高吹懸瓠池郡堂留客夜彈絲分明身在江南路  
伍相祠前酒醒時

二

淮西雪夜酒筵紅太守風流過馬融看到舞闌樺燭下  
教人思殺石蓮東

三

十載尋槿看未真每聞吳語便傷神座中總是江東客  
何處還尋顧曲人

四 此首專贈伎童唐郎也

順郎十四學琵琶十五新聲遍海涯  
家在九龍山下住  
生來洗面是桃花

客中送陳無名入燕作

相逢衣褐在淮西  
走馬關前日欲低  
此去一尋遼海雁  
何時同聽汝南鷄

二

寒風落日醉當壚  
燕市還尋舊酒徒  
君到安州若相憶

爲予重寫慶卿圖

喜遇俞汝言汝南官署是日微雪

當湖對酒快論文十載相思看雁羣不道朔風吹雪後  
汝南官舍又逢君

二

籃車遠度蔚州山聞到靈丘觀射還欲贈青琅愁雨雪  
爲君西望雁門關

三

中原相遇朔風寒萬里同看隼影盤  
此處掃門煩長吏  
只因客臥有袁安

四

五關木落露河秋雪裏逢君在蔡州  
莫怪陳蕃長入坐  
汝南太守最風流

九日飲雲間朱司馬使君官署三首

雲間司馬古朱家九日開樽罷晚衙  
只道茱萸堪解厄  
爲予縫就臂邊紗

二

維舟三泖度清秋古署黃花泛玉甌家在滄洲看不見  
何須更上郡東樓

三

落日東吳古郡臺登臨須借大夫才獨憐漢苑騎魚客  
也向秦山戲馬來

飲泊石門贈同行王丞初度

桃花如幔棗如餅莫向吳門問阿經載得餘杭山下酒



與君同醉女陽亭

書畫頁後

千尺冰荷散似銀草堂習靜總無塵  
他年若買吳中室願在牆東作比隣

山陽別沈秘書時各泪簌簌下不止後辱貽四  
詩中有云九日淮城悵別筵舳舻西送雁橫  
天濁河浪捲臨岐泪濕盡征衫已四年予誦  
之愴然私顧所著衫猶是舊時因重為搵泪

賦詩自嘲匪云報章耳

上苑秋高雁影寒  
帛書何幸寄長安  
今來衫袖重重濕  
不是當時泪未乾

二

一別淮城書漸稀  
故人相憶在金扉  
他鄉四換黃花節  
猶着山陽拭泪衣

任屏臣七十

裁迴甲子度春風  
又見園花歲歲紅  
幾欲移家歸海上

還來避世在牆東

二

先生七十正懸弧  
長對青宮舊畫圖  
恰似涓陽歸載早  
海鼇百尺掛珊瑚

有伎童將歸過索予書絹杼筆志感

涓城將唱不堪聞  
醉後還題白練裙  
懸弧樓前雲漫漫  
石羊橋畔雨紛紛

二

三載行歌汝水春故鄉東望轉逡巡如何細草沾茵處  
又送桃花贖面人

汝寧城外送伎童還江南

并序

伎童唐郎吳中有名安西潘將鎮紅水者奪之以行  
汝寧金使君爲贖留之蔣亭三月送還故鄉予恨沉  
淪與相似而猶不得歸似有感焉予初贈詩云家在  
九龍山下住生來洗面是桃花伎童得詩請名贖花  
至是使君憐其慧以慧憐字之予友張杉者尋予汝

上聞其事似恨不及送亦有和詩見乎情詞

彈遍琵琶九曲詞  
蔣亭東去雨如絲  
明年待我夫椒下  
應是江南花落時

附韓聞西詩 雪裏相逢曾幾時  
今朝別去柳垂絲  
何當夜月黃溪上  
重唱新翻白苧詞

譚開子詩 對酒重歌拂舞詞  
荆桃花下駐青絲  
春來怕見東亭柳  
况是亭前折柳時

張南土和詩 若爲送別賦新詞  
東冶亭前折柳絲  
獨恨曠花人不見  
風流思殺按歌時

有贈

偶向丹山採石英  
攜來長劍是星精  
他時海上桃花發

看汝餐霞到赤城

題周在浚記年圖

不羨紅絲繡公子不羨黃金鑄大夫  
只羨松江三尺絹  
寫作東吳年少圖

二

高松百尺拂春雲  
瀛瀛泉聲石上聞  
豈合丹青圖歲月  
祇應丘壑置夫君

秦淮老人

秦淮高閣擬臨春，中有仙翁髻似銀。  
話到黃奴行樂處，尚疑身是六朝人。

同朱曾蠡登燕子磯飲

燕子磯頭江浪開，江風萬里逐人來。  
臨流一唱橫江曲，能使荆門水倒迴。

夜雨同朱曾蠡江寧郭宿逮明羅坤送酒資至  
石頭城邊夜泊舫，清江夜雨不成眠。  
只有羅坤解相憶，平明送到酒酤錢。

簡江寧主考

棘院重關閉夕曛故人相隔在青雲但聞裴令膺知舉  
可有劉生試雜文

何之杰以舟居記顏有贈

荇蒲淺碧漾清秋一葉蒼茫水際浮不道滄江歸卧後  
依然擊楫在中流

二

何階求爲棲遁身春江渺渺問前津須知此日揚帆客



仍是當時破浪人

三

新從解劍渡江天  
瀨上曾乘漁父舸  
何似故人雙槳去  
柳姑廟後浪亭邊

即事

有叙

宿竇家瀆賣漿婦連目予問之曰非毛氏小郎乎  
曰何以知之曰妾故保定伯家婢也向屯西陵渡時  
主嘗饜郎郎不解食生炙鳧索脰淘之妾以笑被杖

寧能忘乎予聞之憮然因就飲解橐中金餉之去伯  
籍北平毛氏同姓故嘗食其營大兵下江東全軍歸  
降爲提督京營標官守京城西門家遂散失婦善擘

阮汾州人

錦帳雙鬟貌似花河陽軍散各天涯可憐紅字三家店  
不賣青門五色瓜

別朱生

開元法曲有誰傳秋雨江南罷採蓮淮水濁泥初凍後

停船一別李龜年

二

桂樹叢生淮上秋  
西風高會曲江樓  
水亭誰唱伊州調  
記得蘭陵朱粹修

三

寒風縵管脆如絲  
欲別歌予桂樹詞  
此去江南望江北  
淶波青草繫人思

秋日登江樓有懷

卷一百四十  
茫茫落日半銜山萬里江流往復還獨上高樓愁望遠  
秋風九月穆陵關

二

大江東下日西馳渺渺江樓接海涯隔岸秋風吹不住  
白狼河北雁來時

逢陳老蓮季子飲贈

江上逢君蘆荻秋樽前落日重淹留狂來滿眼滄洲興  
思殺江東顧虎頭

渡錢唐贈戴山人

錢唐高士剡中才日暮銜盃江上臺萬疊寒濤通夜白  
依然雪後見君來

贈柳生

有序

柳敬亭說書人間者幾三十年逮入越老矣楊世功  
曰敬亭將行不得大可詩且不得一會祖道似恨然  
者予時病彊起將從之汗接下不果可往敬亭書至  
云如相會者早間世功言及相會惜言相會祇此是

時寓沈康臣宅發緘皆笑後二日敬亭止梅市予與  
康臣遂赴焉再說書聆之感于心然實病不能賦詩  
也口吟二絕以贈行

扶病來看柳敬亭秋花開滿石榴屏一聲河滿尋常曲  
說到傷情不忍聽

二

枚生未作梁園賦吳客將行越水濱怪底觀濤能解病  
原來君是廣陵人

晚宿江村即事

行行暝色起江沙  
借宿江村野老家  
夜月焰來東隴樹  
秋風吹發上田花

二

村田漠漠晚烟稀  
野老提壺坐釣磯  
日落牛羊從嶺下  
月明烏鶻傍江飛

伯調將西行疑予留妓飲不爲供餞  
馳詩劇謝  
因妄爲答謝焉

史媿盧姬並有名高秋野寺坐彈箏一從掩袂辭巴里  
不復當筵唱渭城

黃河客舍見故人書名壁上

黃河滾滾向東迴下馬重街客舍杯忽見新題雙淚落  
未知故友幾時來

二

寒燈孤館淚潺潺萬里波濤夜自還上馬欲行還又住  
故人名字在牆間



九日示趙八十四弟

楚王宮外菊初生  
九日銜杯淚欲傾  
君去登高須盡醉  
愁君東望永興城

古決絕詞

有序

古決絕詞者毛甡爲朱三作也三爲巴城妓小小所  
暱忽正白旗他使者購小行小通三不得會大雷雨  
江漲流溢從漲江解舟滔滔去斂小帛囊貯錢一枚  
燈心草一枝箸寸許線一條作十許結屬他妓送者

貽三且曰他日當哭我江流間矣三傷之因爲作此詞時同游者六人有和焉

銀瓶挽斷井中絲  
娟娟曾無決絕時  
只有巴山城下水  
滔滔東去最堪思

二

巴山城下送娘船  
夜雨猶彈蜀國絃  
不道曲終歌決絕  
新來翻入綠珠篇

華蓋山

清江百里繞仙關  
華蓋山頭村寨還  
橘樹蕉花天半路  
洞簫吹出暮雲間

送客

送客春城柳漸低  
千條萬縷市亭西  
從今勿折長條贈  
恐有歸人繫馬蹄

雨後觀牡丹即席和愚山韻

春燈幕府夜漫漫  
細雨清樽傍藥欄  
莫道名花容易見  
十年三度客中看

漢苑行

綵燕初翻百子池宮花齊發萬年枝但知上苑寒歸早  
不道人間春到遲

二

秋風歌罷栢梁材上苑春回承露臺朝來殿使探鶯去  
日暮宮官試馬來

寺館夜看龔中丞香嚴齋詩集

臨江孤館寺堂東蓮闔花闕閉晚風祇爲中丞詩句在

東堂燈火夜深紅

聞沈九北闡捷音


聞道金臺收乘黃故人聯轡驟康莊  
秋風十里長楊道  
中有山陰舊沈郎

二

清秋烏鵲度巴陵上國賢書今又升  
聞道舊人推記室  
已將新體用吳興

雨中送沈築巖還姑山

春帆東下雨潺潺千里江南送客還  
此去應逢寒食後  
杜鵑花發到姑山



西河集卷一百四十